

欽定滿洲源流考卷二

部族 二

挹婁

一作  
挹樓

漢

後漢書挹婁古肅慎之國也在夫餘

條詳東  
見前

北其邑落各有大人處於山林之間自漢興  
以後臣屬夫餘

冊府元龜挹婁地多山險人形似夫餘善乘  
船北沃沮畏之每夏藏於巖穴至冬船道不

欽定滿洲源流考

卷二

部族

通乃下居邑落

三國

三國志挹婁在夫餘東北千餘里人多勇力  
土氣寒劇於夫餘古之肅慎氏國也自漢以  
來臣屬夫餘夫餘責其租賦重以黃初中叛  
之夫餘數伐之其人衆雖少所在山險鄰國  
人畏其弓矢卒不能服也

通考挹婁即古肅慎之國也其國在不咸山  
北魏常道鄉公景元末來貢楛矢石弩弓甲



貂皮之屬

晉

〔晉書〕蕭慎一名挹婁在不咸山北其國東北有山出石其利入鐵將取必先祈神武帝元康初來貢元帝中興又詣江左貢其石罽至成帝時通貢於石季龍四年方達

唐

〔新唐書〕渤海另條詳後本粟末靺鞨姓大氏高麗滅率衆保挹婁之東牟山地直營州東二千

欽定滿洲源流考

卷二

部族

二

里

〔遼史地理志〕大氏始保挹婁之東牟山有乞乞仲象者度遼水自固武后封爲震國公後自稱震王

〔五代史〕武后時乞乞仲象子祚榮立因并有乞四比羽之衆四十萬人據挹婁

遼

〔遼史地理志〕瀋州昭德軍雙州保安軍定理府皆故挹婁國地按瀋州昭德軍今承德縣雙州保安軍今鐵嶺縣定



理府在今  
興京境內

金

〔大金國志〕北接室韋西界渤海鐵離東瀕海  
三國志所謂挹婁地也

按挹婁之名始於後漢考之史傳卽古肅慎  
氏晉書所謂肅慎一名挹婁是也至南北朝  
始別有勿吉靺鞨勿吉靺鞨俱  
另條詳後之稱而舊名

之見於簡冊者猶有可考如遼之瀋州雙州  
定理府金之挹婁縣皆僅指一隅非其全部

欽定滿洲源流考

卷二

部族

三

元史稱瀋陽路爲挹婁故地似矣而於開元  
路則云古肅慎地隋唐曰靺鞨又似歧而二  
之者蓋魏晉以前部族未分魏晉以後釐而  
爲七族愈繁而地愈廣容有非舊部之名所  
能該者矣至金史地理志謂瀋州本遼定理  
府爲挹婁故壤考遼志則瀋州之外別有定  
理府亦屬挹婁之地遼之定理實唐時渤海  
所建至金已廢又金志稱瀋州挹婁縣本遼  
舊興州常安縣考遼志東丹城北至挹婁縣



范河二百七十里則遼時已有挹婁縣蓋郡  
邑雖移而幅員有定今見於

盛京通志者若承德若鐵嶺若吉林若寧古塔  
自奉天府治極於東北胥挹婁地也又明一  
統志載洪武二十九年設左右千戶於懿路  
城永樂八年復設中千戶於懿路城其廢址  
在今鐵嶺縣城南六十里又有站名懿路亦  
作伊魯當卽遼金挹婁縣之遺今滿洲語謂  
巖穴之穴爲葉嚕與伊魯音相近可知當時

欽定滿洲源流考

卷二

部族

四

命名之義而音轉傳訛歷代遂有互異究之  
遺蹟可尋正猶陶之爲陶邱幽之爲幽亭焉  
爾

三韓

御製三韓訂謬

嘗讀後漢書三韓傳稱辰韓人兒生欲令頭扁皆  
押之以石訝其說之悖於理而肆爲詭誕以惑世  
也夫以石押頭壯夫且不能堪而以施之初墮地  
之小兒實非人情所宜有間考三韓建國本末諸



史率多牴牾以方位準之蓋在今奉天東北吉林一帶壤接朝鮮與我國朝始基之地相近國朝舊俗兒生數日卽置臥具令兒仰寢其中久而腦骨自平頭形似扁斯乃習而自然無足爲異辰韓或亦類是耳范蔚宗不得其故從而曲爲之解甚矣其妄也且如漢人生兒常令側臥久而左右角平頭形似狹蒙古人生兒以韋帶束之木板植立於地長則股形微箕此亦皆習而自然無足爲異藉如蔚宗所言豈漢人蒙古亦皆以石押之令其頭

欽定滿洲源流考

卷二

部族

五

狹而股箕乎若夫三韓命名史第列馬韓辰韓弁

韓亦曰弁辰而不詳所以稱韓之義陳壽魏志直云韓

地韓王魚豢魏略且以爲朝鮮王準冒姓韓氏其爲附會尤甚蓋國語及蒙古語皆謂君長爲汗韓與汗音相混史載三韓各數十國意當時必有三汗分統之史家旣不知汗之爲君而庸鄙者至譌韓爲族姓何異扣槃捫籥以喻日哉且中外語言不通不能強爲詮解者勢也今夫天昭昭在上人皆仰之然漢語謂之天國語謂之阿卜喀蒙古語



謂之騰格哩西番語謂之那木喀回語謂之阿思滿以彼語此各不相曉而人之所以敬與天之所以感則無弗同若必一一以漢字牽附臆度之能乎不能夫韓與汗音似義殊謬而失之誣猶可也至於以石押頭之謬實悖於理斯不可也然則余之三韓訂謬之作烏容已乎哉

謹按三韓雖與漢時諸郡毗連然音譯多訛往往以漢字轉相附會於是異說分歧至范蔚宗有生兒以石押頭之論誕妄不經莫斯

欽定滿洲源流考

卷二

部族

六

爲甚矣恭讀

御製三韓訂謬以國語蒙古語證韓之當爲汗而卽漢人蒙古習俗之不同并推及

國俗生兒仰寢臥具見理之至常而無足怪審音知義曠若發蒙據事揆情瞭如指掌誠非歷代紀載家所能窺測也謹錄冠諸書之前以昭準則

漢

漢書朝鮮傳真番辰國欲上書見天子朝鮮



雍闕弗爲通師古曰辰謂辰韓之國也

通典三韓後漢時通焉一日馬韓二日辰韓

三日弁辰晉梁二書作弁韓馬韓在西有五十四國

其北與樂浪南與倭接辰韓在東十有二國

其北與濊貊接弁辰在辰韓之南亦十有二

國其南亦與倭接凡七十八國百濟另條詳後是

其一國焉大者萬餘戶小者數千家各在山

海間地合方四千餘里東西以海爲限皆古

之辰國也馬韓最大共立其種爲辰王都日

欽定滿洲源流考 卷二 部族 七

支魏志作月支通考作自支國盡王三韓之地其諸國王

先皆是馬韓種人

後漢書馬韓邑落雜居無城郭辰韓耆老自

言秦之亡人避苦役適韓國馬韓割東界地

與之或名之爲秦韓有城柵屋室諸小別邑

各有渠帥貿易以鐵爲貨兒生欲其頭扁皆

押之以石弁辰與辰韓雜居城郭衣服皆同

其人形皆長大美髮而刑罰嚴峻初朝鮮王

準爲衛滿所破乃將其餘衆走入海攻馬韓



破之自立爲韓王準後滅絕馬韓人復自立爲辰王

魏畧朝鮮王準爲衛滿所破走入海其子及親留在國者因冒姓韓氏準王海不與朝鮮相往來

魏畧初右渠

朝鮮王衛滿之孫

未破時朝鮮相歷谿

卿以諫右渠不用東之辰國時民隨出居者二千戶亦與朝鮮真番不相往來至王莽時廉斯鏑爲辰韓右渠帥欲來降出其邑落見

欽定滿洲源流考

卷二

部族

八

一人其語非韓人問之曰我等漢人名戶來我等輩千五百人伐材木爲韓所得積三年矣辰鏑因將戶來出詣樂浪郡郡令鏑乘大船入辰韓取戶來伴輩尚得千人其五百人已死辰韓曰我當出贖直耳乃出辰韓萬五千人弁韓布萬五千匹鏑收取直還郡

冊府元龜漢建武二十年韓國廉斯人蘇馬謚等詣樂浪貢獻帝封蘇馬謚爲廉斯邑君使屬樂浪郡四時朝謁



後漢書本紀建武二十年韓國人率眾詣樂

浪內附

注辰韓卞韓馬韓謂之三韓國也

通考靈帝末韓滅並盛郡縣不能制百姓苦

亂多流亡入韓者獻帝建安中公孫康分屯

有有鹽縣

屯有有鹽兩縣並漢遼東所屬

以南荒地為帶方

郡遣公孫模張敞等收集遺民興兵伐韓滅

舊民稍出是後韓遂屬帶方郡

三國

魏志韓在帶方之南東西以海為限南與倭

欽定滿洲源流考

卷二

部族

九

接方可四千里有三種一曰馬韓二曰辰韓

三曰弁韓辰韓者古之辰國也馬韓在西其

民土著各有長帥大者名臣智散在山海間

無城郭凡五十餘國總十餘萬戶辰王治月

支國魏景初中明帝密遣帶方太守劉昕樂

浪太守鮮于嗣越海定二郡諸韓國臣智加

賜邑君印綬其次與邑長部從事吳林以樂

浪本統韓國分割辰韓八國以與樂浪吏譯

轉有異同臣智激韓忿攻帶方郡崎離營時



太守弓遵樂浪太守劉茂興兵伐之遵戰死  
二郡遂滅韓辰韓在馬韓東自言避秦役來  
適韓國今有名之爲秦韓者始有六國分爲  
十二國弁辰亦十二國又有諸小別邑各有  
渠帥總四五萬戶其十二國屬辰王辰王常  
用馬韓人作之世世相繼土地肥美弁辰與  
辰韓雜居亦有城郭衣服居處與辰韓同其  
瀆盧國與倭接界十二國亦有王

晉

欽定滿洲源流考

卷二

部族

十

晉書馬韓居山海之間凡有小國五十六所  
武帝太康元年二年其主頻遣使貢方物七  
年八年十年又頻至太熙元年詣東夷校尉  
何龕上獻咸寧三年復來明年又請內附辰  
韓常用馬韓人作主雖世世相承而不得自  
立明其流移之人故爲馬韓所制也太康元  
年其王遣使獻方物二年復來朝貢七年又  
來

通考三韓自咸寧三年來貢明年又請內附



其王來朝自後無聞蓋為百濟新羅

另條所詳後

吞併

南北朝

梁書辰韓始有六國稍分為十二新羅其一也馬韓有五十四國百濟其一也

唐

舊唐書百濟國為馬韓故地

宋

宋史定安國本馬韓之種為契丹所破其帥

欽定滿洲源流考

卷二

部族

十二

糾合餘衆保於西部建國改元自稱定安開寶三年其王烈萬華因女真遣使入貢

遼

遼史地理志高州三韓縣辰韓為扶餘弁韓為新羅馬韓為高麗開泰中聖宗伐高麗取三國之遺人置縣

按三韓統名辰國自漢初已見後為新羅百濟所併其七十八國之名備載於魏志國名多繫以卑離二字如監奚卑離內卑離辟卑



離如來卑離以滿洲語考之當爲貝勒之轉音正猶汗之訛爲韓而三汗之統諸貝勒於體制恰相符合也至馬韓亦作慕韓辰韓亦作秦韓弁韓亦作弁辰又作卞韓尚書傳扶餘馱並稱正義謂馱卽韓也當時祇以諧音並非漢語范蔚宗始稱爲韓國韓人魏志遂有韓地韓王之目甚者至訛爲韓氏又如弁韓在三韓中記載獨少考史記真番注謂番音普寒切遼東有潘汗縣或卽弁韓之轉音

欽定滿洲源流考

卷二

部族

十二

亦未可定或有以三韓爲高麗者蓋因宋史高麗傳有崇寧後鑄三韓通寶之文又遼史外紀遼時常以三韓國公爲高麗封號遂謂三韓之地盡入高麗不知高麗之境亦屬三韓所統當時假借用之未經深考耳至遼之三韓縣乃取高麗俘戶所置非其故壤也

勿吉

南北朝

魏書勿吉在高麗北舊肅慎國也邑落各自



有長不相總一其人勁悍常輕豆莫婁諸國  
延興中遣使乙力支朝獻太和初又貢馬五  
百匹自云其國先破高句麗十落密共百濟  
謀從水道并力取高句麗來請其可否詔三  
國宜共和順勿相侵擾九年復遣使侯尼支  
朝獻十二年遣使貢楛矢方物十七年遣使  
婆非等五百餘人朝獻景明四年遣使侯力  
歸北史作侯力歸興和二年遣使石久云北史作石文云等  
貢方物至於武定不絕

欽定滿洲源流考

卷二

部族

三

北史勿吉一曰靺鞨

另條詳後

其部類凡七種其

一號粟末部與高麗接勝兵數千多驍武其  
二伯咄部在粟末北勝兵七千其三安車骨  
部在伯咄東北其四拂涅部在伯咄東其五  
號室部在拂涅東其六黑水部在安車西北  
其七白山部在粟末東南勝兵並不過三千  
而黑水部尤勁自拂涅以東矢皆石鏃卽古  
肅慎氏也

冊府元龜魏孝文延興五年勿吉國遣使朝



獻又太和二年十年並遣使朝貢十二年勿  
吉國貢楛矢石柝十七年遣使朝獻又宣武  
景明四年正始四年勿吉國貢楛矢又永平  
元年二年三年並遣使朝貢四年延昌元年  
貢楛矢延昌二年三月七月九月並朝獻四  
年孝明熙平二年貢楛矢神龜元年二年朝  
貢東魏孝靜帝天平三年興和二年三年武  
定二年四年五年北齊武平三年並遣使朝  
貢

欽定滿洲源流考

卷二

部族

四

隋

太平寰宇記隋初靺鞨國有使來獻謂卽勿  
吉也

通考隋開皇初勿吉遣使貢獻文帝厚勞之  
其國與隋懸隔惟粟末白山爲近

唐

舊唐書靺鞨蓋肅慎之地後魏謂之勿吉  
太平寰宇記貞觀初伯咄安車骨入號室部  
高麗破後並歸渤海惟黑水部全盛分爲十



六部落

通考拂涅亦稱大拂涅開元天寶間八來獻  
鯨睛貂鼠白兔

新唐書渤海本粟末部姓大氏

五代

五代史黑水靺鞨本號勿吉當後魏時見中  
國蓋古肅慎氏之地也其衆分爲數十部而  
黑水最處其北尤勁其部族世次史皆失其

紀

欽定滿洲源流考

卷二

部族

五

遼

遼史營衛志國外十部有長白山部

金

金史世紀景祖稍役屬諸部自白山之屬以  
至五國之長皆聽命

金史世紀勿吉古肅慎地也元魏時勿吉有

七部太祖敗遼兵於境使梁福烏達喇

舊作  
幹答

刺招諭渤海人曰女真渤海本同一家皆勿

吉之七部也



北盟錄女真所居之地東瀕海南接高麗西接渤海鐵離北近室韋三國所謂挹婁元魏所謂勿吉是也

按勿吉始見於北魏亦謂之靺鞨故魏書爲勿吉傳隋書爲靺鞨傳而北史傳云勿吉一名靺鞨其事則實爲一國蓋南北音殊譯對互異併不得謂一國而二名也第自唐武德以前則勿吉與靺鞨互稱武德以後則黑水一部獨強分爲十六部始專稱靺鞨而粟末

欽定滿洲源流考

卷二

部族

二

部自萬歲通天以後改稱震國又稱渤海無復目爲勿吉者矣今靺鞨渤海各具專條取史傳之稱勿吉者繫屬於此至伯咄五代史

太平寰宇記作汨咄拂涅寰宇記作拂涅按滿

洲語謂朋友曰固楚與汨咄音同謂羣處之羣曰佛寧與拂涅音同兩句相連卽朋友之意當時二部命名應取諸此而音字傳訛遂不畫一耳又按佛寧清文作𑖀𑖂下一字尼音二字合切漢字無恰合者借用寧字譯之考遼史地理志爲紫

蒙縣爲興平軍爲始平軍地粟末部以粟末水得名卽今之松阿哩江白山今長白山滿



欽定滿洲源流考  
卷二  
三

洲語謂之果勒敏珊延阿琳黑水今黑龍江  
滿洲語謂之薩哈連烏拉詞異義同尤信而  
可徵也至諸史咸稱七部中黑水尤勁扶輿  
之氣鍾厚於茲益以徵我  
國家出震方行霆驅電掃八旗勁旅有勇知方  
所由來者遠矣

欽定滿洲源流考

卷二

三

祖由來啓發矣

圖家出震方行霆驅電掃八旗勁旅有勇知方  
之氣鍾厚於茲益以徵我

可徵也至諸史咸稱七部中黑水尤勁扶輿

滿洲語謂之薩哈連烏拉詞異義同尤信而

欽定滿洲源流考卷二

